

十六國春秋

一
玉
十二冊
玉

西涼錄一

春秋卷第九十一

魏散騎常侍 崔鴻撰

李暲

李暲字立盛小字長生隴西成紀人也漢前將軍廣十六世孫廣子侍中敢之後曾孫仲翔後漢初爲將軍討叛羌于素昌素昌乃狄道也眾寡不敵死之仲翔子伯考奔喪因葬于狄道之東川因以家焉遂世爲西州著姓高祖雍曾祖柔仕晉並歷顯位雍至東莞太守柔至相國從事中郎北地太守祖弇音奄仕前涼張軌爲武衛將軍天水太守封安世亭侯父昶字中堅幼有令譽爲世子侍講年十八卒暲祖之遺腹子也少而好學性沈敏寬和美器度通涉經史尤善天文及長

頗有聲稱兼習武藝誦孫吳兵法嘗與呂光太史令郭麐及
同母弟宋繇同宿麐起謂繇曰君當位極人臣如李君者終
當有國土之分家有駟草馬生白額駒此其時也光龍飛二
年建康太守京兆段業叛光自稱涼州牧以燉煌太守趙郡
孟敏爲沙州刺史署曷爲效穀令宋繇亦仕于業爲中散常
侍孟敏卒燉煌護軍馮翊郭謙沙州治中燉煌索仙等以曷
溫毅有惠政推爲宜朔將軍燉煌太守曷初難之會宋繇自
張掖告歸燉煌言于曷曰段業無經濟遠畧終必無成兄忘
郭麐之言耶白額駒今已生矣曷乃從之遣使請命于業業
因以曷爲安西將軍燉煌太守領護西胡校尉及業僭號涼
王其右衛將軍燉煌索嗣言於業曰李曷不可使據燉煌恐

此地非復大王之有業乃以嗣代髡爲燉煌太守嗣率騎五百而西未至二十里移檄使髡迎已髡驚疑將出迎之效穀令張邈及宋繇止之曰呂氏政衰段氏闇弱正是英豪有爲之日將軍據有一國之成資奈何束手授人索嗣自恃本郡謂人情附已不虞將軍猝能拒之可一戰而擒也宋繇亦曰大丈夫已爲世所推今日便授首於嗣豈不爲天下笑乎大兄英姿挺特有雄伯之風張王之業不足繼也髡曰吾少無風雲之志因宦至此不圖此郡士人忽爾見推向言出迎者未知士大夫之意故也因遣繇覘嗣嗣見繇言所以代髡之意繇啖以甘言及還謂髡曰嗣志驕兵弱此成擒耳于是髡遣二子歆讓與邈繇及司馬尹建興等逆擊破之嗣奔還張

掖初曷素與嗣善結爲刎頸之交嗣常以宗族托曷曰我身猶子身勿爲疑也及是曷反爲嗣所搆故深恨之乃罪狀嗣於段業自表盡忠不貳橫爲嗣所讒請業殺嗣曷當自歸司敗業輔國將軍沮渠男成亦惡嗣因勸除之業乃殺嗣遣使謝曷分燉煌之涼興烏澤晉昌之宜禾三縣爲涼興郡進曷爲使持節都督涼興已西諸軍事鎮西將軍領護西夷校尉庚子元年冬十一月曷所居後園有赤氣起龍跡見于小城于是晉昌太守唐瑤叛業乃移檄六郡推曷爲大都督冠軍大將軍沙州刺史領護羌校尉燉煌太守領秦涼二州牧涼公大赦境內殊死已下建元庚子時晉隆安四年也追尊祖弇爲涼景公父昶爲涼簡公子譚爲世子署唐瑤爲征東將

軍郭謙爲軍諮祭酒索仙爲左長史張邈爲右長史尹建興
爲左司馬張體順爲右司馬張條爲牧府左長史令狐溢爲
牧府右長史張綝爲太府主簿宋繇張謖爲從事中郎尋加
繇爲折衝將軍謖爲揚武將軍索承明爲牧府右司馬令狐
遷爲武衛將軍晉興太守汜德瑜爲宜遠將軍西郡太守張
靖爲折衝將軍河湟太守索訓爲威遠將軍西平太守趙開
爲驛馬護軍大夏太守索慈爲廣武太守陰亮爲西安太守
令狐赫爲武威太守索術爲武興太守招懷夷夏人情悅服
遣折衝將軍宋繇東伐涼興并擊玉門已西諸城皆下之遂
屯玉門陽關廣田積穀爲東伐持久之計時北涼酒泉太守
王德亦叛業自稱河州刺史業遣將討之德將部曲奔附唐

瑤

辛丑二年夏四月初呂光之稱王也遣使市六璽玉於于闐至是玉至燉煌納之郡府

壬寅三年春正月暁于南門外臨水起堂名曰靖恭之堂以議朝政閱武事圖讚自古聖帝明王忠臣孝子烈士貞女暁親爲序頌以明鑒戒之義當時文武羣僚亦皆圖焉有白雀翔于靖恭堂暁觀之大悅冬十二月沮渠蒙遜所署西郡太守梁中庸來奔暁署爲牧府主簿是歲秦姚興遣使拜暁爲安西將軍高昌侯

癸卯四年春正月命立泮宮增高門學生五百人起嘉納堂于後園以圖讚所志

甲辰五年夏四月有葛緣木而生作黃鳥之形秋八月世子
譚卒九月立第二子歆爲世子

建初元年春正月髡自稱大都督大將軍領秦涼二州牧改
元建初大赦境內殊死已下時晉義熙元年也遣舍人黃始
梁興間行奉表詣京師曰昔漢運將終三國鼎峙鈞天之厯
數鍾皇晉高祖闡鴻基景文弘帝業嗣武受終要荒率服六
合同風宇宙齊貫而惠皇失御權臣亂紀懷愍迍邐蒙塵塞
外懸象上分九服下列眷言顧之普天同憾伏惟中宗元皇
帝基天紹命遷幸江表荆揚蒙弘覆之矜五都爲荒榛之藪
故太尉西平武公軌當元康之初屬擾攘之際受命典方出
撫此州威畧所振聲蓋海內明盛繼統不隕前志長旌所指

仍闢三秦義立兵強拓境萬里桓文嗣位奕葉載德囊括關
西化被崑裔遐邇款藩世修職貢晉德之遠揚繁此州是賴
大都督大將軍天錫以英挺之姿承七世之業志匡時難克
隆先勲而中年降災兵寇侵境皇威遐邇同獎弗及以一方
之師抗七州之眾兵孤力屈社稷爲墟一作以喪臣聞歷數相推
歸餘于終帝王之興必有閏位是以共工亂象於黃農之間
秦項篡竊于周漢之際皆機不旋踵覆餗成凶自戎狄陵華
已涉百齡五胡僭竊一作襲字期運將杪四海顛顛懸心象魏故

師次東關趙魏莫不企踵淮南大捷三方欣然引領伏惟陛
下道協少康德侔光武繼天統位志清函夏至如此州世篤
忠義臣之羣僚以臣高祖東莞太守雍曾祖北地太守柔荷

寵前朝叅忝時務伯祖龍驤將軍廣晉太守長寧侯卓亡祖
武衛將軍天水太守安世亭侯弇昆佐涼州著功秦隴殊寵
之隆勒于天府妄臣無庸輒依竇融故事迫臣以義上臣大
都督大將軍領護羌校尉秦涼二州牧涼公臣以爲荆楚替
貢齊桓興召陵之師諸侯不恭晉文起城濮之役用能勳光
踐土業隆一匡九域賴其弘猷春秋恕其專命功冠當時美
垂千祀況今帝居未復諸夏昏墊大禹所經奄爲邱墟五岳
神山狄污其三九州神都夷穢其七辛有所言于茲而驗微
臣所以叩心絕氣忘寢與食彫肝焦慮不遑寧息者也江涼
雖遼義誠密邇風雲苟通實如唇齒臣雖名未結于天臺量
未著于海內然憑賴累祖寵光餘烈義不細辭以稽大務輒

順羣議亡身卽事轅弱任重懼忝威命昔在春秋諸侯宗周
國皆稱元以布時令今天臺邈遠正朔未加發號施令無以
紀數輒年冠建初以崇國憲冀杖寵靈全制一方使義誠著
于所天玄風扇于九壤殉命灰身隕越慷慨冬十月曷讌羣
僚于嘉納堂因謂之曰昔河石分崩羣豪競起吾以寡德爲
眾賢所推何嘗不忘寢與食思濟黎兆故前遣母弟繇董率
雲騎東殄不庭軍之所至莫不賓下今惟蒙遜鴟峙一城自
張掖已東晉之遺黎雖爲戎虜所制至於向義思風過于殷
人之望西伯大業須定不可安寢吾將遷都酒泉漸逼寇穴
諸君以爲何如右長史張邈曰殿下此議實社稷之利也乃
力贊成之曷大悅曰二人同心其利斷金張長史與孤同矣

夫復何疑遂以右司馬張體順爲宣遠將軍建康太守鎮樂
涓徵折衝將軍宋繇爲右將軍領燧煌護軍與子燧煌太守

讓鎮燧煌遂遷居于酒泉

今之肅州

建初二年春正月暲手令誡諸子曰吾自立身不營世利經
涉累朝通否任時初不役智有所要求今日之舉非本願也
然事會相驅遂荷州土憂責不輕門戶事重雖詳人事未知
天心登車理轡百慮填胷後事付汝等粗舉旦夕近事數條
遭意便言不能次比至於杜漸防微深識情變此當任汝所
見深淺非吾敕戒所益也汝等雖年未至大若能克己纂脩
比之古人亦可以當事業矣苟其不然雖至白首亦復何成
汝等其戒之慎之節酒慎言喜怒必思愛而知惡憎而知善

勤念寬恕審而後與眾之所惡勿輕承信詳審人覈眞僞遠
佞諛近忠正蠲刑獄忍煩擾存高年恤喪病勤省接按聽訟
刑法所應和顏任理慎勿以情輕加聲色賞勿漏疏罰勿容
親耳目人間知外患苦禁禦左右勿作威福勿伐善施勞逆
詐意必以示已明廣加諮詢無自專用從善如順流去惡如
探湯富貴而不驕者至難也念此貫心勿忘須臾寮佐邑宿
盡禮承敬讌饗饌食事事留懷古今成敗不可不知退朝之
暇念觀典籍面牆而立不成人也此郡世篤忠厚人物敦雅
天下全盛時海內猶稱之况復今日實是名邦正爲五百年
鄉黨姻親相連至于公理時有小小頗迴一作違爲當隨宜斟

酌吾臨莅五年兵難騷動未得休眾息役惠康士庶至于掩

瑕藏疾滌疵除垢朝爲寇讐夕委心膂雖未足希準古人粗

亦無負于新哲

哲一作舊

事任公平坦然無類初不容懷有所損

益計近則如不足經遠乃爲有餘庶亦無愧前人也秋八月

南涼禿髮儁檀送暲女敬愛于酒泉并通和好初暲之立也

留女敬愛養于外祖尹文家文旣東遷暲從姑梁哀之母養

之至是儁檀假道于北山鮮卑使哀送敬愛于酒泉并通和

好暲大悅遣使報聘儁檀贈以方物九月暲親率騎二萬畧

地至于建康東鄯善前部王遣使貢其方物冬十月北涼沮

渠蒙遜來侵至于建康掠三千餘戶而去暲大怒率騎追之

及于彌安大敗之盡收所掠之戶初秦建元之末徙江漢一

萬餘戶于燉煌中州之人有田疇不闢者亦徙七千餘戶郭

磨之寇武威武威張掖已東人西奔燉煌晉昌者數千戶及
高東遷皆徙之酒泉分南人五千戶置會稽郡中州人五千
戶置廣夏郡餘萬三千戶分置武威武興張掖三郡築城于
燉煌南子亭以威南虜是年高造珠碧玉二口銘其背曰百
勝隸書

建初三年冬十二月高以前表未報復遣沙門法泉間行奉
表于晉曰江山悠隔朝宗無階延首雲極翹企遐方伏惟陛
下應期踐位景福自天臣去乙巳歲順從羣議假統方域時
遣舍人黃始奉表通誠遙途嶮曠未知達否吳涼懸邈蜂蠆
衝衢方珍貢使無由展御謹副寫前章或希簡達臣以其歲
進師酒泉戒戎廣平庶攘茨穢而黜虜恣睢未率威教憑守

巢穴阻臣前路竊以諸事草創倉帑未盈故息兵按甲務農
養士時移日邁荏苒三年撫劍歎憤以日成歲今資儲已足
器械已充西招城郭之兵北引丁零之眾冀憑國威席捲河
隴揚旌秦川承望詔旨盡節竭誠隕越爲效又臣州界迥遠
勁寇未除當須鎮副爲行留部分輒假臣世子歆監前鋒諸
軍事撫軍將軍護羌校尉督攝前軍爲臣先驅又燉煌郡大
眾殷繁制御西域管轄萬里爲軍國之本輒以次子讓爲宣
朔將軍西夷校尉燉煌太守統攝崑裔輯宣殊方自餘諸子
皆在戎間率先士伍臣總攝大綱畢在輸力臨機制命動靜
續聞曷旣遷酒泉乃敦勸稼穡羣僚以年穀頻登百姓樂業
請勒銘于酒泉乃許之于是使儒林祭酒劉昫爲文刻石頌

德

建初四年時有白狼白兔白雀白雉白鳩皆棲其園囿羣僚以爲白祥金精所誕皆應時雖而至又有神光甘露連理嘉禾眾瑞請史官紀其事嵩從之初河右不生楸槐柏漆張駿之世取于秦隴而植之終于皆死至是而酒泉宮之西北隅有槐樹生焉乃著槐樹賦以寄情蓋歎僻陋遐方立功非所也遂命主簿梁中庸及儒林祭酒劉昞等並作

建初五年

建初六年春三月魏安焦朗據姑臧自號龍驤大將軍遣使稱臣嵩因其所稱而授之秋七月沮渠蒙遜率騎來攻嵩遣世子歆及別將朱元虎禦之戰于馬廟歆敗元虎被禽嵩以